

**PRAESIDE DEO TER
OPTIMO MAXIMO
DISPUTATIO
INAUGURALIS DE
JURE CONCEDENDI...**



THE STATE OF NEW YORK
IN SENATE
JANUARY 1861

THE CON- STITUTION

OF THE STATE OF NEW YORK
AS REVISED BY THE
COMMISSIONERS OF THE LAND OFFICE
IN 1861

ALBANY: PUBLISHED BY
J. B. LIPPINCOTT & CO.
108 NASSAU ST. N.Y.
1861

THE STATE OF NEW YORK
IN SENATE
JANUARY 1861

REVERENDISSIMO, EMINEN-
TISSIMO atq; CELSISSIMO

PRINCIPI ac DOMINO,

DOMINO

JOHANNI
PHILIPPO,

SACRI ROMANI IMPERII
PRINCIPI ELECTORI,

& PER GERMANIAM ARCHI-CANCELLA-
RIO, SANCTAE SEDIS MOGUNTINAE

ARCHIEPISCOPO, EPISCOPO

HERBIPOLENSI & WORMA-

TIENSI, DUCI FRAN-

CONIAE, &c.

Domino meo Clementissimo.

REVERENDISSIME, EMINEN-
TISSIME atq. CELSISSIME
PRINCEPS, DOMINE
CLEMENTISSIME.

JOHANNI
PHILIPPO

SACRI ROMANI IMPERII
PRINCIPIS ELECTORI

& TER GERMANIAM ARCHIEPISCOPUS
RIO, SANCTAE SEDIS APOSTOLICAE
ARCHIEPISCOPUS, EPISCOPUS



Nter fiduciam verecundiamque con-
stitutus, non sine ratione dubitavi, allo-
quo an silentio REVERENDISSI-
MAM & EMINENTISSIMAM
CELSITUDINEM VESTRAM venerer? audax
siquidem

siquidem facinus mihi visum tanti PRINCIPIS oc-
 los in se convertere velle, quorum fulgor non le-
 gendis levioribus privatorum scriptis, sed totius Ro-
 mano- Germanici Imperii rebus prospiciendis im-
 pendi solet: Suasit tamen fiducia, & suo quodam
 jure animum perpulit, ut acceptam dicerem grati-
 am, tantam, qualem nunquam merui, aut mereri
 potero, quando EMINENTISSIMA ac CELSIS-
 SIMA DIGNITAS VESTRA non infra fastigii sui
 splendorem duxit, sereno vultu, gratiosissimo ani-
 mo, & patientissimâ aure, nescio quem juvenilem
 quondam meum audire sermonem, gravissimâque
 PRINCIPALI SUA exhortatione animum meum
 ad capeſſenda alacrius studia permovere, & quo mi-
 nus de tantâ PRINCIPIS, DOMINI MEI CLE-
 MENTISSIMI, gratiâ, dubitandi locus mihi relin-
 queretur, iteratâ vice, Principe digno munere affice-
 re; non sustineo impræſentiarum incredibilem
 Parenti meo piæ memoriæ exhibitam, aut toti fa-
 miliæ nostræ, REVERENDISSIMAE & EMINEN-
 TISSIMAE CELSITUDINI VESTRAE, subjeſtiſ-
 ſimæ, oblatam & re ipsâ sæpè redditam enarrare gra-
 tiam; me saltem ut subjeſtiſſimum & obsequioſiſ-
 ſimum ſiſtere ſervum ſufficiat, quò REVEREN-
 DISSIMA & EMINENTISSIMA CELSITUDO

VESTRA ex pagellis hisce præsentibus, quanti efficacissimam ILLIUS in totâ virâ meâ Academicâ exhortationem fecerim, cognoscat: Illas itaque in eam GRATIAM, quâ Parentem meum p.m. amplexa, admittat, illamque mihi, familiæque nostræ perpetuam esse velit, devotissimâ mente oro rogoque; Finio si prius REVERENDISSIMÆ & EMINENTISSIMÆ CELSITUDINIS VESTRÆ pedibus calami hujus palmas substravero, & ardentissimis precibus DEUM TER OPT. MAX. invocavero, ut CELSISSIMI NOMINIS Vestri ad Cœlum surgentis gloria seculum non unum vincat.

REVERENDISSIMÆ & EMINENTISSIMÆ
CELSITUDINIS VESTRÆ

Subjiciissimus

Joh. Daniel Herpfer.

DEO ADJUTORE.

POSITIO I.

NOn irritâ felicioris successus spe agitari videbor, si rubricæ seu præfixi tituli explanationem, rei propositæ vim aperientem, initio aggressus fuero, cum tanta rubri celebretur autoritas, ut *nigrum ab ipso rubro interpretatio- nem recipere* tradat magnus fori antistes Gailius *de Pignorat. cap. 4. num. 2. & 3.* cui adde *Everhard. in top. legal. loco d. rubro num. 2. 3. & per totum.* Paucis itaque quid hâc rubricâ de Jure concedendi veniam ætatis, velim, agam.

II.

Juris vox cum plura juxta *l. 11. D. de iustis. & Jur.* notet, eâ impræsentiarum pro potestate usus sum; quo in significato JurisConsultus Pomponius *l. 2. §. 16. D. de Origin. Jur.* eam adduxit, eodemque in sensu accepit Cajus (quem Sacratissimus Imperator Justinianus *§. 6. Proëm. Instit.* suum dicit) *l. 3. D. de his qui sui vel alien. jur.* & insuper ita vocem hanc usurpari arguit modo dicta rubrica *Instit. & Pandect. de his qui sui vel alien. jur.* hinc toties audis jus testandi, tutores dandi, agendi, faciendi, &c. quæ potestatem indicant, vide accuratè hæc docentem Ma-
gnificum

gnificum Dominum Facultatis Juridicæ Seniore[m]
& Doctorem Rebhan, Præceptorem meum omni
honoris cultu devenerandum in *Hodeget. Chart. II.*
clim. 1. Parallel. 1. th. 8. in ex 9to. lit. a.

III.

Concedere idem est ac indulgere, largiri, dare,
tribuere, opere ipso permittere. Venia denotat vel
judicis adversus edictum permissionem. *l. 25. ibi:*
venia impetrata D. de in jus. vocando. vel culpæ re-
missionem, ut in *l. 1. D. de fugitivis:* vel Ætatis ex-
cusationem: *tot. tit. C. qui atas. vel profess. se excusant:*
vel denique ætatis majorennis indulgentiam. *tot. tit.*
C. de his qui veniam atatis impetraverant, quæ inscri-
ptionis meæ significatio est.

IV.

Ætatis vocabulum ab ovo & principiis suis
arcessam necesse est: dicitur autem ætas quasi ævitas
ab ævo, quod à Græco *αἰών*, traxere latini, testibus
Apulejo Grammatico, & Joanne Tortellio in Com-
mentariis suis Grammat. hâc scil. ratione, quod ætas
semper existet atque duret: Græci enim *αἰών* quasi *αἰὲς*
αἰών, id est, semper existens, dicunt, hinc *αἰών* ipsis est vi-
ta longissima, quam seculum vocamus, de quo Co-
nan. *libr. 1. commentar. jur. civil. cap. 10. num. 6.* ab ævo
deinde ævitatem veteres dixisse ex libro tertio Cice-
ronis de legibus nobis constat: Censores populi *ai-*
ævitates, soboles, familias, pecuniasque censento. vi-
de hâc dere Cujac. in *l. 46. D. de judic.* & Gotofr. in
not. ad XII. tab. eodem tit.

V.

Nomen hoc cum sit generale, ad personas, res &
tempora

tempora pertinens, & illud quidem multiplex ob varias ejus species; Alia enim est ætas I. pupillaris, l. 9. *D. de acquirend. vel omittend. hered.* quò referuntur 1. Infantes. 2. Infantix proximi. 3. Pubertati proximi: de quibus latè Menoch. *de arbitrar. judic. quest. lib. 2. cent. 1. cas. 57. num. 44.* Coras. 6. *misc.* 33. alia II. Minor l. 42. *D. de minorib.* & in ca. 1. Adòlescentia, 2. Firmata ætas, l. 1. *C. Theodos. de iù, qui veniam at. impetr.* alia III. Major, quæ & perfectâ, l. *fin. C. de hùs qui veniam at.* Justa, l. 16. *D. de jure fisci.* Alia denique IV. Senilis, l. 69. *in fin. de legat. 3.* Nos hoc loco id pro ætate personarum, càmque tam firmatâ, quæ in mare est ab anno 20. in fœmina ab anno 18. quâ ex venia Principis ante annum 25. rerum suarum administratio minoribus permittitur: quàm perfectâ seu majori, cujus veniam prædicti impetrant, accipimus,

VI.

Ex quibus, quid jus concedendi veniam ætatis sit, patet: *Potestas*, nimirum, quâ *is, qui re vera minor est, per Majestatem major declarari potest.* Quando autem reipsâ minor declaratur major, non malè *per actum definitivus*, & tunc varia sortitur nomina. Modò enim ætatis vocatur indulgentia, codicillus venialis, teste Fornerio ad Cassiodor. *epist. 41. libr. VII. in not. (B.)* modò veniale ætatis diploma secundum Choppin. *de moribus Paris. libr. 2. tit. 3. num. 3.* item annorum adjudicatio. Lipskius à Lipe Episc. Cracov. *cent. 2. observat. jur. 10. num. 6.* Jus ætatis legitimæ, Bocer. *de Regal. cap. 2. num. 131.* etiam eine Kayserliche Gönning/ oder eine Kayserliche Befreyung. Limnz. *in lur. publ. tom. 4. libr. 2. cap. 9.*

VII.

Jus hoc ætatis veniam concedendi, vel ætatem indulgendi aut annos adjudicandi, prout enim nominaveris, perinde mihi erit, soli Romano Populo, penes quem tunc temporis summa rerum residebat potestas, competiit, unde Scipio, sat annorum, si populus Romanus volet, habebō: *Gædd. ad l. 21. num. 20. D. de V. S.* Mutatâ verò Reipublicæ formâ, populus omnia sua in Imperatorem per legem Regiam transferendo etiam hanc potestatem Principis propriam fecit: undè Principali clementiæ, *l. 1. Imperiali auxilio, l. 2. C. de hi qui veniam ætat. impetr.* Principis beneficio, *l. 5. C. de temporibus in integr. restit.* acceptum fertur; In cæteris enim Magistratibus, veluti Consulibus & Præsidibus ambitiosa hæc esse decreta, dicebant, prout *ex l. 3. D. de Minor.* patet; ambitiosa pro gratioſis sibi accipe, *l. 4. D. de Decret. ab ordin. faciend.*

VIII.

Dum jus hoc Imperatori seu Principi Romano proprium dicimus, non exteris vel Principibus, vel civitatibus superiorem non recognoscentibus, neque ipsis Imperii nostri Statibus denegatum volumus. Sic Galliæ jus hoc cognitum esse, & quidem ita, ut solus sibi Rex vindiceret, evincunt ea, quæ notat Petrus Rebuff, *tract. de regest. seu libr. Baptism. art. 1. Gloss. 1. num. 27.* Nulla Cancellaria, sed solus Princeps supremus, literas legitimam ætatem indulgentes concedit, & Francisc. Duar, *ad tit. Cod. de hi qui veniam ætat. impetr.* veniale ætatis diploma, regionomine concipi attestatur.

IX. Eo-

§.
IX.

Eodem modo jure hoc Belgas uti Peretius in *C. b. t. num. 3.* indicat, quando tantum à Principe impetrari ait, & licet Mornacius *ad l. 2. C. b. t.* moribus Belgicis etiam judicem pro tribunali sedentem ætatis veniam indulgere affirmet, intelligendum hoc omnino erit, aut de judice superiori, aut eo, cui jus hoc concedendi ex speciali Principis permissione competit. Quin enim Princeps inferiori, immò planè privaræ personæ ex gratiâ singulari ob egregia & præclara in eum merita hoc jus concedere possit, non arbitror quenkum dubitare; Nam & Bartolus (cujus opiniones Apollinis oracula dicta, Magirus in theatro gloriæ) in tract. de testibus de semetipso refert, Imperatorem Carolum IV. eum, ejusve descendentes (quoscunque legum Doctores esse contigerit) inter plura privilegia & illo ornasse, ut per universum Romanum Imperium servatâ legibus perscriptâ formâ, ætatis veniam cuicunque concedere valeat.

X.

Non secus in Hollandiâ, confœderatorum Statuum Provinciâ, jus hoc vigere, ut inibi ætatis indulgentia ab ordinibus impetranda, singulari præjudicio confirmat Jacob von der Graef *de Regalib. cap. 19. n. 1. Anno 1637. die 27. Novemb.* Titius quidam ætatis veniam ab urbis cujusdam Magistratu petens, informabatur, quod concessio hæc summæ sit potestatis, ab ipsis itaque Ordinibus eam petendam & obtinendam fore.

XI.

Plus negotii nobis facessere videtur, quod & Imperii nostri Statibus jus hoc competere supra asserui-

mus, nunc reperimus, imò defensum imus vi superioritatis territorialis, quæ alius reperenda, translato ad Germanos Imperio, Magistratus ad certum tempus, vel ad vitæ terminum | certis assignatis stipendiis & salariis constituebantur; Postea autem sub fide vasalliticâ hereditariè de Provinciis, quibus præerant, investire cœperunt, unde amplissima illa territorialia jura orta sunt, Knichen *de jure territor. c. 1. num. 12. & seqq.* Ernest, Cothman. *4. conf. 3. num. 3.* Nam omnia fermè, quæ Imperii status habent, per infeudationem acquisivèrunt. Reichs Absch. *de Anno 1521. Ordnung des Landfriedens / sub tit. Handhabung des Friedens. §. Darauff befehlen / 2c.* ibi: auch bey Verlust aller Gnaden / Privilegien und Rechten / so ihr von Uns und dem H. Reich habe. Quoad territorium enim & subditos cum Regalibus (utique etiam de jure concedendi veniam ætatis) investiti sunt: Besold. *Dispositio de Regalib. cap. 3. sb. 5.* Kniplchild. *de Civit. Imperial. liber. lib. 2. cap. 4. num. 54.* quod etiam ex omnibus investiturarum formulis constat; illosque in suis distributibus regalia usurpare, die hohe Landsherzliche Gerichtsbarkeit mit allen ihren Würden / Freyheiten / Nutzen und Zugehörungen / notat Reinking. *de Regim. Secul. & Ecclesiast. lib. 1. class. 5. cap. 6. num. 23.* & hoc est, quod Andreas Knichen *de jure territor. cap. 1. num. 176.* dicit, coruscare in suis territoriis præ eminentiis Imperatori concessis; hinc leges & jura de Imperatore loquentia Statibus accommodantur: Rutger, Ruiland. *in Tract. de Commissar. & commission. part. 2. lib. 3. cap. 4. num. 25.* Sic, licet leges condere Majestatis sit symbolum, *l. fin. C. de legib.* Imperii tamen Statibus jus est, leges & jura provincialia promulgare, contra-

ria abrogare, & jura communia inconsulto etiam Imperatore tollere, uti refert Knichen. *dict. tract. de jure territor. c. 1. num. 139.* Reinking. *modò dict. loc. num. 9.* eamque mutandi juris positivi potestatem à Statibus Imperii in suis districtibus per Statutorum promulgationem quotidie exerceri, observat Gail. *lib. 1. observ. 36. n. 1.* Sic Electorum Saxonici, Brandenburgici & Palatini Constitutiones provinciales juri communi contrarias esse manifestum est; & hæc ita procedunt, ut Camera, quæ est summi Principis consistorium, secundum leges & statuta provincialia pronuntiare, teneatur Reinking. *dict. libr. 1. class. 5. cap. 6. num. 10.*

XII.

Hiscè consideratis nihil obstare video, quò minùs Imp. Statib. jus & potestatem supplendi ætatē minorem in suo territorio inter subditos permissam affirmemus, cum magni nominis & eruditionis Jurisconsulto Dn. Struv. *in Syntagm. jur. feudal. cap. 6. sb. 14. in notis num. 2.* Dn. Myller. *in Etologia Ordinum Imperial. cap. 2. num. 1.* Paul. Montan. *de Tutel. cap. 37. Reg. 2. num. 48. pag. m. 828.* ubi dicit, quod Duces & Comites cum Domini constituentur, reservata Principi exercere possint, secundum Castrenf. *consil. 227. super primo dubio in fine:* quod de Regalibus intelligendum censeo, quis enim credat Regiam aut Principalem dignitatem, Baronem conferre posse, vid. Bullæ *in quest. quibus compet. jus nobilitat. pag. 36.* Cothmann. *consil. 44. num. 21. vol. 1.* Ita in Ducatu Würtembergico Serenissimum vi juris territorialis subditis suis ætatis veniam largiri, & minores pro majoribus declarare docet Fürst. *Würtemb. Landes Recht. pars. 2. tit. 27. fol. 314.* Dn. Myller. *in Etolog. ord. Imperial. cap. 2. num. 8. in fine.*

XIII.

Voce Statuum Imperii, Imperiales quoque Civitates intellectas volumus, *Instrumento Pacis Casarico-Svecic. art. 5. §. 28.* quia & hæc, dum immediate sub Imperatore & Imperio, Imperiique matriculæ insertæ, votum & sessionem in Comitibus habent, ac Imperio urgentibus fatis contribuunt, per ea, quæ tradit Gail. 1. *observat.* 21. Cothman. *consil.* 29. *num.* 527. *vol.* 3. Inter Imperii Status receptæ. Gaudent enim in suis districtibus Principis jure. Gail. 2. *observ.* 57. *num.* 7. ubi dicit, tantum posse civitatem liberam in suo populo, quantum Imperator in Imperio, vide Thom. Michaël. *de Iurisd. conclus.* 44. *lit.* G. Non minus enim Imperio incorporatæ sunt, quàm Principes & Comites. Rutg. Ruland. *in Tract. de Commissar. & commission.* lib. 5. *part.* 2. c. 4. *sub num.* 38. *colum.* 1. *circ. fin.* & licet dignitate vel ordine dispari, pari tamen cum his passu ambulant. Cothman. *consil.* 29. *num.* 523. & *mult. seqq. volum.* 3. Et quidni? si enim per statuta ipsis licet, uti in specie hæc de re verba Statuti Argentinensis affero.

Wann ein Kind / es seye Knab oder Tochter / zwanzig Jahr alt ist / von dem Tag an / so es gebohren wird / und seinen Verstand hat / soll und mag es wol sein selbst Vogt seyn / über sein Gut / und mag handeln damit wie es will: multò magis per dispensationem hoc jus ipsis competit: Quicquid enim statuto introduci potest, illud faciliori ratione per dispensationem indulgetur. jus enim statuti ligat omnes, id est, universum illius territorii populum; dispensatio autem unius tantum favorem & commodum respicit: ad partem enim petitionem conceditur, Bertazol. *in*

consil.

consil. civil. 12. num. 27. Thesaur. *decis. 87.* Inprimis cum venia ætatis minoris naturam dispensationis & gratiæ habeat, secundum Menoch. *consil. 478. num. 1.* imò statutum si minorem habilitat, censetur generalis veniæ ætatis concessio, uti observavit ex Decii *consil. 403. num. 2.* Paul. Montan. *de Tusch. cap. 37. num. 47. pag. 828.*

XIV.

Nunc sese nobis offert quæstio de Imperii Provisore aut Vicario, num interregni tempore immediate Imperio subjectis hanc ætatis veniam concedere possit? Item an locum tenens v. c. Comitis alicujus, & illustris personæ in minori ætate constitutæ Curator hanc potestate gaudeat? Sanè Imperii Vicario jus hoc, licet non expressè, tacitè tamen *caput aurea Bulla V. Caroli IV.* concedere videtur; eo ipso enim, quod cum Imperii Provisorem, einen Verweser oder Pfleger des Reichs/ & quidem Generalem constituit, privileg. *Caroli IV. Anno 1375.* desuper datum, ibi: *dass sie gemeine Vicarien des Reichs gewesen seyn/ und noch seyn sollen/* eo ipso, inquam, potestatem hanc nacti sunt, duo enim *in dicto capite V.* tantum habentur casus excepti: ibi, feudis Principum duntaxat exceptis, & illis, quæ *Sohn- & Ehen* vulgariter appellantur, quorum investituram & collationem soli Imperatori vel Regi Romanorum specialiter reservamus, hæc profectò regulam in casibus non exceptis firmant, quod nempe reliqua non prohibita, concessa sint; omnis enim exceptio debet esse de regula, quia impossibile est, sine regulâ exceptionem dari. *l. 1. D. de R. l. ibi Dd.* adde quod & regula restricta sit ad jura gratiosa, non ad ea,

ad ea, quæ alienationem continent. ibi: ipse Comes Palatinus omne genus alienationis expressè sibi novèr interdictum, ubi observandum, quod perperam in germanico contextu ejusdem Bullæ tractatum sit: Und derselbe Pfalzgraff hat auß Kaiserlicher Güthe zu verbieten/ alle Verpferung und Verpfändung ecum sensus sit, daß dem Pfalzgrafen bey zeit seiner Verwesung/ alle Verpferung und Verpfändung der Güter/ so zum Reich gehören/ solle verbotten seyn. Bets. de Pact. famil. Illustr. cap. 7. pag. 223. ex quo sanè concludendum, quod ea, quæ alienationem non continent, & specialiter prohibita non sunt, possit: hanc opinionem validiorem, quia consuetudine optimâ legum interprete, l. 37. D. de legib. firmata, dicit Sinold. Schütz. de iure publ. vol. 1. disp. 5. th. 12. lit. B. Ita enim in vicariatu 1619. Comes Palatinus Doctorem D. W. equestri dignitate ornâsse, & civi F. inducias moratorias vulgò quinquenell concessisse, quod tamen de reservatis Principis est Policeny Ordnung de Anno 1548. tit. Von verdorbenen Rauffleuthen / §. Und nach dem 22. testis est id. Sinold. Schütz eod. loc. pag. 238.

XV.

De locum tenente, v. gr. Comitibus alicujus, & illustri personæ in minori ætate constitutæ curatore, idem affirmandum censeo: Quia locum tenens & ejusmodi illustris personæ curator regulariter omnia ea potest, quæ ipse, cujus vices gerit, per text: in l. 1. C. de offic. vicar. l. 2. C. de offic. ejus, qui vicem alicujus judic. vel presid. obstat. A Egid. Brossius in opere Tit. de Principe. num. 87. Rosenthal. de feud. cap. 9. conclus. 30. membr. 1. num. 8. ubi limitat, nisi specialiter quædam sint excepta, exceptiones autem veniunt vel verborum expressi-

expressione, vel ex naturâ negotii, ne ea faciat, quæ quis verisimiliter non est concessurus, *argum. l. 6. D. de pignor. & hypoth. l. 7. pr. D. de donat.* quod latè deducit Ifern. *de feudis. tit. de prohibis. feud. alienat. num. 12. & 13.* ita in specie statuit Schrader. Martha, Matthias Stephan. aliique, & generaliter plurimi legendo, consulendo, decidendo, allegati à Buxtorff. *ad cap. V. Aur. Bull. concl. 71.*

XVI.

Hactenus vidimus quale jus dandæ ætatis veniæ, & quibus illud cōpetat, sequitur ut consideremus quibus illa concedi soleat. Et si a. fragile & infirmū est minorū consilium, multis captionibus suppositū, multorumq; expositum insidiis: *l. 1. pr. D. de minorib.* adeo ut etiam jure novissimo inviti minores curatores accipere cogantur; *Reformat. guter Policer zu Augspurg. de An. 1548. & de Anno 1577. sub tit. Von der Pupillen und minder-jährigen Kindern Tutorn und Vormündern. in princip. versic. So wollen wir ic. Wissenb. ad tit. D. Qui pet. tut. vel cur. & ubi pet. num. 22.* attamen cum sæpè juvenes rerum gerendarum prudentia multum senibus etiam antecellant, Imperator & Imperii Status ad ejusmodi minorum supplicationem, modò certa requisita, de quibus paulò post, probent, *l. 2. C. de his, qui veniam ætat. imp.* sine sexus aut conditionis discrimine, ætatis hanc veniam illis impertiunt: Non enim masculis tantum, sed & fœminis hanc ætatis veniam tribui, monstrat *d. l. 2. ibi: Fœminas quoque:* Nec plebeis aut vulgaribus personis solum, prout Mornac. in *observat. ad libr. C. in l. 2. de his, qui veniam ætat. impetr.* notavit, verum etiam insignioribus, hoc est, summa in dignitate positis, qui eò citius consilii & prudentiæ maturitatem produnt, quò major cura educationi illorum impendi solet.

Ita Imperator Wenceslaus in anno 1398. Ottoni Duci Brunsvicensi, Ottonis filio, ætatis veniam hisce formalibus concessit: Wir haben dem Hochgebohrnen Otten / Herzogen zu Braunschweig / Unsern lieben Oheim und Fürsten / die Jahr gegeben / also daß er mündig seyn / und seine Herzogthumb und Lande selbst verwesen / Ihme selber Rätke liesen und Helffer nehmen soll und mag. Braunschweigische Historische Handel *part. 1. sect. 2. c. 1. referente Anton. Hering. de Fidejussoribus cap. 7. num. 109.* A Cæsare etiam Maximiliano I. Anno 1503. Udalrico Duci Württembergico, ætatis privilegium datum fuisse, testatur Hortleder. *de caus. belli Germ. libr. 3. c. 1. num. 64.* Pari modo ab Imperatore Rudolpho II. circa annum 1588. Carolus Lotharingæ Dux & Cardinalis, postulat Episcopus Metensis, ad investituram & administrationem ejusdem Episcopatus consequendam, Prægræ ætatis veniam impetravit. Thom. Michaël. *de juridict. th. 32. lit. c.* Bets. *de Pact. famil. illustr. cap. 7. p. 276.* Add. Speidel. *in Annotat. ad Rumelin. part. 1. dissert. ad A. B. 7. th. 10. lit. a.* Similiter à Gallorum Rege veniam ætatis consecutus est Dux de Rohan. Ann. 1584. & Vice Comes Turonensis anno 1543. Linnæ. *in Tr. de Regno Gallia lib. 2. cap. 7. in addit. ad lit. H. pag. 492.* Malè itaque Bugnonius de legibus abrogatis: titulum hunc, *de his, qui veniam ætatis impetraverunt*, abrogatum, censet Peret. *in C. ad hunc tit. num. 3.*

XVIII.

Non autem passim & sine discretionem Princeps omnibus, qui pro ætatis veniâ impetrandâ supplicant, ca m

eam concedit, sed præviâ & exactâ causæ cognitione, iis solummodò, qui bonæ de se opinionis spem præbent. Claud. *tract. de Offic. jud. cap. 3. num. 14.* quem refert Roland. à Valle *consil. 7. num. 95. libr. 3.* Quod equidem non sine summâ ratione fit; ne enim minores pro beneficio, patrimonii detrimentum ac diminutionem patiantur, satius credidit Severus Cæsar, non nisi rarò *l. 3. D. de minorib.* & quidem antehabitâ in vitam & mores minoris inquisitione Constantinus *in l. 2. C. h. t.* præcoci sapientiæ fidem adhiberi. Undè in Regno Poloniæ Regia' Majestas non priùs ætatis veniam & privilegium, nisi viso priùs adolescente, indulgere solet, attestante Andr. Lipskio *dict. observ. 10. num. 7. cent. 2.* Comperto itaque ex inquisitione & adspectu, esse quem ita moribus, ingenio, prudentiâ, & rerum agendarum promptitudine & scientiâ præditum, ut ipsemet pro bono publico (cujus interest, ne quis re suâ malè utatur, §. *fin. Inst. de his, qui sui vel alien. jur. sunt*) rebus suis præesse queat; rectè atque ordine minor major declarari poterit. Cæterum ex Jure Justinianéo Bocer. *de Regalib. cap. 2. n. 133.* quinque requisita recenset, quæ breviter, additis dubiis vel quæstionibus, singula examinabo, tantò magis, quòd vel unius defectu venia ætatis concedi nequeat, *per l. 2. §. fin. C. h. t.*

XIX.

Observe itaque minor, ætatis veniam desiderans (1) à Principali Clementiâ, i. e. ab ipso Imperatore, si immediatè Imperio Romano Germanico subiectus; si autem mediatè, vel ab Imperatore, vel ab eo, qui summâ in eo, quo degit territorio, potestate

gàudet, id est, ab ipso Duce, Principe, Comite &c. non ab ejus judiciis inferioribus, cam petat, *argum. l. 1. & 2. C. b. r.* De fìctione siquidem hic agitur, ut pro legitimæ & perfectæ ætatis homine, qui revera talis non est, habeatur; Proinde nonnisi à Principe illa venia obtineri potest; solius namque Principis est fìctiones, quatenus naturalis æquitas & bonum publicum suader, inducere. Verum cùm à Principe petenda sit hæc venia, & causæ cognitionem requirat, ut paulò ante dixi, utique simplicem petitionem non sufficere, *l. 10. §. 12. ubi Gl. D. de in jus vocand.* sed supplicationem cum allegatione causæ porrigendam esse censeo, *arg. l. fin. C. de precib. Imperator. offerend.*

XX.

(2) Omisissis superfluis & non necessariis, *d. l. fin.* AEtatis faciat mentionem, & quidem, si masculus, quòd vicesimi anni metas impleverit, seu, ut loquitur Imperator Constantinus *in l. unic. C. Theodos.* cùm vicesimi anni clausa ætas adolescentiæ, patefacere sibi januam cœperit ad firmissimæ juventutis ingressum: sin foemina, quòd octavum & decimum annum egressa sit, ex quibus facillè evincimus, completos esse oportere, non inceptos annos, *l. 2. C. b. r.* Bartol. Bertazzoli, *consil. civil. 12. num. 20.* Ratio quæ Constantinum Imperatorem moverit, ut vigesimo ætatis anno masculos veniam impetrare voluerit, hanc credo, quia media hæc est inter plenam adolescentiam & robustissimam juventutem, ætas, quam firmatam ob id appellat, *in l. unic. C. Theodos. h. r.* adde Gothofred. *ad l. 2. C. b. r. l. r. a.*

XXI.

Cur autem fœminæ duobus integris annis citiùs masculis veniam hanc impetrent, celeriori cursui muliebris prudentiæ adscribunt, ut videre licet apud Bets. *de pact. & statut. famil. illustr. cap. 7. p. 273. in med.* Addatur Glos. & Accursius *in l. 5. D. qui testam. facere possunt, in verb. completum.* non quod prudentiores sint, inquit, sed quod mala herba celerius & plus crescat quàm bona: ratio profectò non absimilis illius Petri antiqui Glossatoris, qui Br. docente *in l. 1. D. de iuridict.* Ulpianum ideò dixisse statuit, *ius dicentis officium esse latissimum, & non longissimum, quia homines longi raro sunt sapientes;* Tantis viris certè indignæ rationes! palmam sanè prior ex Betsio adducta ratio præripere mihi videtur, quod naturâ fœminæ citiùs augeantur, crescant ac perficiantur quàm mares. Plutarch. *in problem.* hinc duobus etiam annis citiùs maribus puberes fiunt: *pr. Inst. quib. mod. iur. finitur.*

XXII.

Annorum hic numerus cum lege expressè sit definitus, & pro formâ actus constitutus, certi enim iuris est, quod tempus alicui rei aut dispositioni præfixum pro formâ præscriptum censeatur; per text. *in l. 13. § 4. D. de excusat. iur.* Mascard, *de statut. conclus. 9. num. 10.* Molin. *ad consuetud. Paris. tit. 1. §. 201. gloss. 10. num. 6.* meritò dubitas, an Princeps Imperii aliquando infra hunc annorum numerum, puta masculo anno 18. ætatis veniam largiri possit? Affirmativum ego opinioni subscribendum duco. Est enim totum hoc positivè iuris; nec aliquam video causam ex jure gentium petitam, ob quam anno vicésimo de-

munus venia concedenda, sic septenarius testium numerus in testamento pro formâ substantiali requiritur, *l. 12. C. de testam.* ast cum meri juris positivi sit, hodiè in variis locis vel auctum, ut Basileæ, vel diminutum, ut Noribergæ vides; ea enim quæ meri juris positivi sunt, quin Principes & Status Imperii in suo territorio mutare possint, vel in contrarium statuendo, vel contra dispensando expeditum est per ea quæ supra ex Knichen. *de jure territor. cap. 1. num. 139.* Gail, 1. *observat.* 36. num. 9. adduxi.

XXIII.

Opinionem hanc infra ordinarium annorum numerum concessâ ætatis veniæ exempla confirmant. Nam Imperator Rudolphus II. Regi Daniæ Christiano IV. ut Holsatiæ Duci veniam ætatis annum 16. vix egresso ob regias dores & virtutes maturè in eo elucentes die 26. April. Anno Christi 1593. indulgit. Hering. *de fidejussorib. cap. 7. num. 110.* Longè antè à Maximiliano I. Ludovicus Rex Hungariæ ac Bohemiæ ætatis veniam annos solummodò natus tredecim impetraverat, prout ex Dubrav. *in histor. Bohem. lib. 33.* & Goldast. *in tract. de Regno Bohemia lib. 4. c. 1. num. 6.* notavit Limnæus *de iure Publ. lib. 2. cap. 2. num. 150.* Et Carolus IV. Imperator veniam ætatis Carolo VI. delphino, Vicario Imperii, ob miram ingenii maturitatem, & summam judicii acrimoniam, decimum ætatis annum agenti, veniam hanc tribuit, prout ex Bodin. *de Republic. lib. 2. cap. 9.* notat idem Limn. *tom. 4. iur. publ. lib. 2. cap. 9. in addit. ad num. 151.* Quod jus Imperatoris rectè juxta supra tradita Th. XI. ad Imperii Principes & Status extendimus. vide Ruland. *de Commissar. & Commissionib. part. 2. lib. 3. cap. 4. n. 51.*

XXIV.

Hicalia sese in facto sæpè disputata, offert quæstio:
An Imperator quemadmodum pro lubitu in veniæ
concessione annos lege definitos mutare potest, æquè
possit largiri, ut ante annum decimum octavum Ele-
ctor, Imperii, seu administrationis capax sit? Negati-
va mihi verior videtur, ex eâ ratione, quod numerus
hic 18. annorum non à solo Imperatore, sed & ab Im-
perii Statibus definitus sit; quibus ergò dissentienti-
bus aut ignaris, solum Imperatorem mutare posse
haud credo, *arg. l. 35. D. de R. l.* Illis verò consentibus
nil dubii restare puto, si modò ille, de cujus ætate agi-
tur, morum & rerum gerendarum prudentiâ se com-
mender. Add. *Rumelin. dissertat. ad A. B. part. 1. dis-
sert. 7 th. 8.*

XXV.

Neque verò sola ætatis mentio sufficit, sed (3) mo-
rum honestas, animi probitas, & mentis solertia, *l. 2. C. h. r.* quoque requiritur: *Bocer. de Regal. cap. 2. n. 133.*
& hoc est quod supra diximus, non passim & sine dis-
cretionem à Principe hujusmodi ætatis veniam conce-
di, ne propter malitiam, sed virtutis laudem ætatis be-
neficium reportâsse cernantur: prædictæ autem hæ
qualitates, non tantum masculos, *l. 2. C. h. r.* sed &
fœminas commendare debent, *d. l. 2. §. 1. ibi: Fœminas
quoq., quas morum honestas, mentisque solertia &c.*

XXVI.

Et prout in mare XX. in fœmina XVIII annorum
ætas, in utroque morum honestas, animi probitas, &
mentis solertia requiritur, ita quoque (4) ab utroque
& ætas & morum honestas &c. probari debet; quilibet

bet enim veritatem causæ in literis supplicatoriis asser-
tam, probare tenetur, *l. un. C. qui etate.* quia non ejus
ætatis aut frugis quis esse præsumitur, ut res suas ma-
jorum instar negotiando, contrahendo, litigando &c.
administrare possit, *l. 1. pr. D. de Minorib.*

XXVII.

Hæc autem probatio exigitur coram judice, non
Principe, qui ob negotiorum multitudinem restium
auscultationi vacare non potest: Unde licet anno-
rum numerus, mentis solertia & morū honestas &c.
in supplicatione veniam desiderantis alleganda sint,
tamen ut coram Imperatore probentur, ex dictâ ratio-
ne necessum non est: *l. 2. h. t.* Solet enim Princeps ad
gloriosam minoris supplicationem, prout eam Cassi-
odor, *lib. 2. variar.* vocat, sine ullâ examinatione veni-
am, hæc tamen conditione, concedere, si veritate Pre-
ces nitantur, *d. l. 2. C. h. t.* ibi: post impetratam ætatis
veniam: Quare totam causæ cognitionem si suppli-
cans Senator sit, remittit ad Præfectum Prætorio, si
autem Plebejus ad Prætorem, vel si in Provincia habi-
tet, ad illius Rectorem, ut ibi literas indulgentiæ ob-
tentas offerat, præsentet ac intimet per *l. hanc. 2. §. 2.* quo
facto judex curare debet, ut ea, quæ in rescripto alle-
gantur, accuratè supplicans probet: hodie autem, si
ab ipso Imperatore minor mediatè Imperio subjectus
hanc veniam petit, annos & mores apud Principem
suum vel Comitem, vel Baronem, vel in Civitatibus
liberis apud Consulem probat, Bocer. *de Regal. c. 7. n. 133.*
Rebuff. *de regeſt. art. 1. gl. 1. n. 32.* hæc solennitates ho-
die non ita strictè observandas putat, sed Principem ad
solam petitionem & supplicationem impetrantis, etiā
eo non viso, nec ad inferiorem remisso, veniam con-
cedere

cedere posse, quæ suo authori relinquo. Besold. verò
in delibet. jur. p. 78. in fin. se scire, inquit, hodiernis moribus
 sufficere, ut cum eo, qui veniæ ætatis concessionē
 implorat, curatores proximiq; agnati simul preces deferant,
 atque de petentis ætate animique probitate testificentur: uti factum à Domina Tutrice & Matre, nec non
 contutoribus & agnatis Dni. Ludovici Eberhardi Comitis
 zu Hohenlohe/ Herrn zu Langenberg/ &c. qui pro ipso ætatis
 veniam & petierunt & impetrârunt ab Imperatore Rudolpho II:
 Anno 1607. Limn. *de Jure publ. tom. 4. lib. 2. c. 9. in addit. ad num. 151.*

XXVIII.

Ad ipsam ætatis & morum probationem nunc accedo,
 ubi notandum, quod Imperator masculum per scripturam
 annorum numerum probare jubeat, & ita veram non præsumptivam
 probationem requirat. Gratian. *in consil. 4. 2. n. 24. lib. 1.* Per scripturam autem
 testimonium ex parochiali libro descriptum, significari puto,
 quem probandi modum satis aptum dicit Baldus *conf. 452. lib. 4* & Benint. *decis. 47. n. 1.* cui suffragatur
 Oddus *de restit. in integr. part. 1. quest. 37. art. 4. n. 44.* quia
 intra paucos à nativitate dies pueri baptizantur: annorum
 hanc probationem in Galliâ testibus fieri, & quidem à consanguineis,
 in concessione veniæ ætatis per Regem Galliæ factâ Domino de Rohan (de quo
 supra) notat Rebuff *de regeſt. art. 1. gl. 1. n. 130.* tunc temporis
 deposuisse Archiepiscopum Lugdunensem ejus Patrum, & alios
 quam plures nobiles & magnos receptæque authoritatis viros.
 Tantum de annorum probatione.

XXIX.

Animi verò probitatem & vitæ honestioris testimonium
 advocatis testibus idoneis, id est, fide dignis,
 D probare

probare tenentur, *l. 2. h. t.* Quia autem numerus testium non est additus, duo vel tres sufficiunt. Nam quotiescunq; numerus testium non adjicitur, duo sufficiunt, pluralis enim elocutio duorum numero contenta est: *l. 12. D. de testib.* Sicuti autem in testamentis testes non fortuiti sed rogati desiderantur, *l. 21. §. 2. D. de testam.* ita necesse est, ut testes ad hunc actum expressè rogentur, *l. hanc nostrâ. 2. ibi: testibus idoneis advocatis.*

XXX.

Et hæc in maribus statuta sunt; foemina, misso procuratore, quia contra sexus muliebris decorum est coetui publico eas demonstrari, *l. 2. hanc nostrâ. item l. 2. §. 1. C. de jurejur. propt. calum.* Aetatem, prudentiam & mores vel instrumentis, vel testibus, non minoribus tamen quinq; probare debent, cujus rei ratio hæc esse potest, quia in propriâ personâ judici se non sistunt, & ita ad spectum, qui ætatis, morum & prudentiæ judicium juvare solet, non præbent, ut quod illô deest, testimonio numero compensetur. Petr. Rebuff. *apud dict. tract. de regest. art. 1. Gloss. 1. n. 32.* sufficere foeminas saltem ætatem, non etiam morum honestatem probare asserit. Verba ejus adponere visum est: *Sufficit eis, inquit, probare ætatem, & non adstringuntur probare morum honestatem, eo, (ut quidam dicunt) quia raro admodum hoc probare possent, Gloss. in l. 4. D. de legib.* Sunt enim pleraque redhibitoria, vel quia bonus Imperator Constantinus non vult inducere testes ad perjurium: Meliorem ejusdem opinionis assecla Azo in summ. *C. de his qui ven. ætat. impetr. n. 2. in fin.* rationem adfert, quod sagacior foemina præsumatur, quam masculus, unde & tardas esse ad donandum, *l. 4. §. 1. D. ad Sc. Vellej.* sed frustra exinde sagacitas præsumitur. Id enim propter avaritiam illorum,

rum *ind. l. 4. §. 1.* ira dici, testis est Mascard. *de prob. conclus.* 1076 n. 30. Dissidium hoc unicâ particula *tantum*, in *l. hac nostrâ. 2.* ibi: *annos tantum ætatis probari posse*, excitavit; sed animadvertendum est, particulam hanc *tantum*, comparitioni personali & non morum probationi opponi; Contrarium siquidem in ipsâ hâc lege invenitur, ibi: *Fæminas quoq^{ue}, quas morum honestat^{is}, mentisq^{ue}, solertia commendat.* quæ qualitates, quia in lege expressæ atq; præsuppositæ meritò probari debent. vide Reinking. *tract. de jur. retract. quæst. 2. num. 541.*

XXXI.

Quod diximus, fœminas misso procuratore intentionis suæ fundamentum probare, de solis etiam fœminis non masculis verum est: in his enim (s) substantiale hujus impetrationis requisitum est, ut se masculus præsentem in persona sistat, *per text. l. 2. ibi: per se*, quod semper quoties personæ qualitas examinanda ac consideranda est, fieri amat, Gotofred. *in nos. ad l. 2. C. h. t. l. i. c.* facile enim ex personali præsentia, morum, prudentiæ ac ætatis judicium fieri poterit, imò ex sermone, vultu, gestu explorari, an illud rescriptum Principis ex sub-vel obreptione obtentum sit, nec ne? Duar. *in Comment. C. ad hunc tit.*

XXXII.

Hiscè rursù ita peractis, si ex scripturâ & testium depositione, omnia, prout in rescripto habentur, judex invenit, quaeritur, an sententiam declaratoriam ferre debeat? Quæstio profectò tunc maximè utilitatem suam præbet, quando controversitur, si minor probationis tempore, antequam judex auditas & visas probationes validas declaravit, contraxerit, an adhuc restitutionis beneficio uti possit? quod, licet jam ætatis

privilegium à Principe obtinuerit, affirmandum credo, nulla siquidem impetrati privilegii vis est, nisi ea, quæ Principi allegavit coram iudice, ut supra notavi, probarit, nam intermedio tempore pro majori non est habendus, quia adhuc substantiale ejus veniæ requisitum, nim, probatio deficit probata autem omnia esse, iudicis est per sententiam declaratoriam docere, ut ita venia illa terminum à quo declaratione iudicis accipiat, quæ est sententia Dni. Maxii in *Commentar. ad jus Lubec. lib. 1. tit. 2. art. 7. n. 16. ibi sententiâ declaratoriâ omninò opus est*; adde Dn. Myller, in *Esolog. ord. Imperial. cap. 5. num. 7.*

XXXIII.

Sæpè dictam hanc ætatis veniam eo fine, eâq; intentione tam sedulò minor urget, ut eâ legitimo modo impetratâ jure majorennium, vel in uno aliquo actu tantum, Roland, à Valle. *consil. 54. num. 12. & seq. lib. 2.* Octav. Simoncell. *de Decret. minor. lib. 1. tit. 1. inspect 3. num. 88.* Maxius *ad jus Lubec. lib. 1. tit. 2. art. 7. n. 26.* vel in omnibus, *tot. tit. C. de his, qui ven. ætat. impetr. uti possit, h. e. legitimæ ac perfectæ ætatis* (quæ annis 25. impletis incipit, *l. 3. § 3. D. de minorib. l. fin. C. h. r.*) homo censeatur, Bocet. *de Regal. c. 2. n. 134.* hinc est, quod Dd. ætatem 25. annis constantem duplicem faciunt, unam *naturalem*, quæ ita dicitur vigesimo quinto anno, per naturalem annorum cursum impleto, *l. 1. C. si minor se major dix.* alteram *civilem* vel *fictam*, quæ dispensatione Principis, aut statuto talis est, prout in terris Saxoniciis completo 21. anno, majores dicuntur. *Landrecht. lib. 1. art. 42.* vide Matth. Steph. *de jurisdic. lib. 2. part. 1. c. 1. memb. 2. n. 139.* unde ætas XXV. annorû naturalis & ficta seu civilis dispensatione Principis, ad paria

paria judicantur, *l. 10. C. de appellat.* quoniam sicuti justum censetur rerum esse pretium, quod à superiori taxatum est, *l. 1. §. 1. D. de offic. Praefect. urbi.* ita justa quoque censetur ætas, quæ à Principali clementiâ taxatur: Gotofred. *ad l. 1. C. h. t. lit. r.*

XX XIV.

Hoc autem illis in casibus maximè procedere, in quibus civiliter factum eundem effectum, quem naturaliter factum habet: Dd. notant. Ernest. Cothman. *consil. 44. n. 181. vol. 1. Besold. in delib. jur. lib. 1. p. 79.* hinc si lex pœnalis majoris mentionem facit, locum non habet in minori qui per veniam ætatis major representatus est, prout dispositionem, *l. 41. C. de transact.* in civili & ficto majori locum habere negat Cagnol. *ad eam legem;* quam sententiam quoque tenet Bertaz. *ad d. l. 41. Decius consil. 258. col. 3.* ex eâ ratione, quoniam ætas ficta, eundem in pœnis, quem ætas naturalis effectum non habet, *l. 16 §. 3. D. de pœnis.* licet enim dolus sit ejusmodi ficti majoris judicium; infirmitate tamen aliquâ per se laborat, ut sic minor sit hujus perveritas, adeoque etiam mitiorem mereatur pœnam. *l. 37. §. 1. D. de minor. Carpz jur. p. for. par. 4. consil. 17. def. 11.*

XX XV.

Porro ex æquatio illa ætatis naturalis & civilis in dubio non procedit; dubio enim de perfectâ ætate exorto, ea intelligendâ est, quæ viginti quinque naturaliter impletis annis constat. Gotofred. *ad l. fin. lit. u. C. h. t.* Sic in causis testamentariis, si Titio testator legatum aut fideicommissum sub hâc formâ reliquerit, cum ad legitimam ætatem pervenerit, ex quò tempore legatum aut fideicommissum debeatur? Quæstio in praxi frequens, de quâ est *l. 50. D. de legat. 3. & l. fin. D.*

de condit. & demonstr. Anton. Gomerz. *lib. 1. var. resol.* c. 5, n. 28. Distinctione dubium hoc solvendum censet: Ira, vel Legatarius, aut Fideicommissarius tempore conditi testamenti erat impubes, aut pubes; priori casu in annum pubertatis 14 posteriori in tempus perfectæ & legitimæ ætatis XXV. annorum ipsi relictum videri, quos naturaliter, non fictè per Principis indulgentiam & veniæ impetrationem completos esse oportet, est enim voluntatis hæc quæstio, verisimile autem non est de aliâ quam legitimâ XXV. naturali annorum ætate testatorem cogitasse quam opinionem egregiè juvat Justinian. *in l. fin. C. h. r.* si quis ait, aliquid dari vel fieri voluerit, & legitimæ ætatis fecerit mentionem, vel si absolute dixerit perfectæ ætatis, illam tantummodò intellectam volumus, quæ XXV. annorum curriculum impletur, non quæ ab imperiali beneficio suppletur, vide Barrol. & Salicet. *ad l. fin. C. de hu, qui ven. ætat. impetr.* Socin. junior, *consil. 63. n. 49. vol. 5.*

XX XVI

Si itaque minor, cui ætatis venia legibus approbatâ formâ concessa legitimæ ætatis homo censetur, sequitur omninò, quod eo ipso dum major declaratur, etiam curâ liberetur, & ita sine curatore agat, *pr. Inst. de curat. l. 3. C. si major factus alienat. sine decreet. fact. rat. hab.* Boect. *de Regal. c. 2. n. 134.* quod ita accipiendū, ut non æquè aliorum curam eum subire posse affirmemus, in alienis enim rebus administrandis non civilis, sed naturalis XXV. annorum ætas requiritur, §. 13. *Inst. de excusat. tut.* & ille, cujus res plenissimo jure hypothecarum teneri non possunt, tutor aut curator fieri nequit, *l. fin. C. de legir. tut.* atqui ex indulgentia majorum res plenissimo jure hypothecarum teneri non possunt.

possunt, l. 3. *C. de hū qui ven. atq. impetr.* Ergò tutores vel curatores fieri nequeunt: facit insuper quod generaliter, ut propria bona minor administret, ætatis veniam obtineat: l. 2. *pr. C. h. t. ibi: paternam frugem vel avorum patrimonium gubernare*, quæ alterius patrimonii administrationem respuunt, aut speciale decretum exigunt, & hoc ad Comites, Duces, aliosque extendendum probat Tiraquel. *de jur. primogenit. qu. 40. n. 210.*

XXXV. II.

Hæc ipsa quoq; ratio me movet ne hujusmodi majorem admitti credam ad honores & officia publica; Nam & ibi XXV. anni naturales requiruntur, l. 8. *D. de munerib. & honorib.* licet qui jam vigesimum annum complevit, iudex fieri possit, l. 41. *D. de recept. qui arbitr. junct. l. 57. D. de re judicata.*

XXXVIII.

Sequitur porrò, quod talis majorum jura nactus instat viginti quinque annorum hominis bona sua administrare possit, Bets. *de pact. famil. illustr. c. 7. pag. 273.* liberè varios contractus, ut emptionem vendit: locat: conduct. societ. mandat. item mutuum, commodatum, pignus, depositum, &c. celebrare, & quidem ad eum effectum, ut ipse in propria persona possit & conveniri & convenire alios, quia legitimam in judicio standi personam habet, Duaren. *ad hunc tit. Hilig. in Don. Enucl. lib. 21. c. 12. in not. ad lit. y. pr.* & quamvis minus idonè rem suam administraverit, post impetratam nim: veniam & declarationem, quod major sit, non ante, quia ætatis venia quoad contractus ipsam antecedentes nullum operatur effectum, Bets. *sup. loc. cit. tract. c. 7. p. 274.* beneficio tamen & auxilio in integrum restitutionis uti nequeat, nè illi, qui cum ejus-

modi

modi majori contraxere principali autoritate circumscripti videantur, *l. 1. C. h. t.* si autem ante veniz concessionem contrahendo lassi sunt, quadriennium restitutionis ipsis non XXV. annis impletis, sed statim à tempore declarationis veniæ ætatis currere incipit, post Cynus *in l. fin. in fine C. h. t.* Cothman, *vol. 1. resp. 42. num. 20.* Besold, *in delib. jur. pag. 79. & seq.*

XXXIX.

Olim certè de omnibus tam immobilibus quam mobilibus, *l. 1. C. h. t.* quod enim *in l. 3. hoc nostr. sir.* constitutum est, in illis qui ætatis veniam impetrarunt, neque prædiorum alienationem, neque hypothecæ constitutionem aliter procedere, quam si decretum interveniret, recentius jus est à Constantino primum introductum: Constantinus illud quidem de prædiis, *l. 2. C. h. t.* non generaliter, sed de fœminis tantum constituerat, ibi: *ut ipsæ etiam in omnibus tale jus habeant, quale & mares habere præscripsimus, ita tamen, ut prædia sine decreto non alienent*: At Justinianus *in l. 3. C. h. t.* illud ad mares quoque extendit, ut & ad hypothecæ, fortè quoniam per hypothecæ constitutionem devenitur tandem ad reidistractionem & possessionistranslationem, non secutâ scilicet solutione, prohibito enim aliquo censetur quoque prohibitum, per quod ad illud pervenitur, Menoch, *consil. 116. num. 16.*

XL.

Probè itaque notandum, quod, quæ de alienatione & legitimâ in iudicio standi personâ, diximus, nisi expressè etiam quoad bona immobilia concessa sit, hodie saltem quoad bona mobilia procedant. Quare si per veniam ætatis major bona immobilia alienaverit, vel hypothecæ supposuerit, licet per quinq; annos
conti-

continuos tacuerit, occasione prætermiſſi decreti eam
tamen retractare poteſt. Ratio, quia illud quinquen-
nium poſt XXV. annos demum naturales completos,
etiam illi, qui civiliter major eſt, non ex tempore, quo
factam majorennitatem acquiſivit, currit, *l. 3. C. ſi major
fact. alienat. fact. ſine decret. rat. habet.* Ratio rationis
eſt, quia per veniam major in bonis immobilibus
hodiè minorum inſtar eſt, *l. 3. C. b. t.*

XLI.

Pari modo ſi adoleſcens fortè octodecim annorū
prædium aliquod ſine decreto diſtraxerit, & per veni-
am Principis major factus ratam alienationem habuit,
utiq; nulla eſt, quia civiliter major ejusmodi bona di-
ſtrahere nequit, adeoq; ante factam alienationem eo
tempore ratam habere non poteſt; quia in effectu, qui
ratum habet, alienat; Tenetur itaq; vigeſimum quin-
tum annum naturalem expectare, & tunc emptorem
ſecurum facere, *l. 2. C. ſi major fact. rat. hab.* Ex hoc au-
tem nova jam ſurgit quæſtio, ex quonam tempore ali-
enatio facta videatur, an ex eo, quo ab initio facta eſt,
an ex quo ratam habet? quæſtionem hanc ſciri valdè
dignam eſſe, ratione damnorum & intereſſe, nec non
ratione hypothecæ, aliis medio tempore quæſitæ tra-
dit *Surdus deciſ. 245. per ſor.* Ego, cum Anton. Theſaur.
deciſ. 7. n. 2. ex eo tempore quo ab initio facta eſt, eam
valere, defendere conabor; & quidem *arg. l. ſin. C. ſi
major. fact. alienat. fact. ſine decret. rat. hab.*

XLII.

Ita etiam ſi de immobilibus rebus controverſia
exorta fuerit, cum in his ex veniâ major minoris loco
habeatur, *d. l. 3. C. b. t.* non poterit ſine vitio proceſſus aut
actoris aut rei partes ſine curatore ſuſcipere; Minores

tionem ipsi denegat Bets. *d. tr. c. 7. p. 277. pr.* immò plus illi, quàm veniam impetranti tribuit, quando & immobilia hypothecæ submittere posse, *p. 280.* defendit: verùm ista relatio non nisi circumspiciendè faciendà, exploratà tum præcedente minoris conversatione atque indole, tum & ad negotia aptitudine: quod tam ipsius minoris, quam aliorum causa refert.

X L V.

Huc III. omninò etiam illa statuta pertinent, quæ XXV. annos minores majores declarant, quia statutum si minorem habilitat, generaliter veniæ ætatis concessio censetur, uti *supr. ex Decii cons. 403. n. 2.* observavi; sed latius statutum tale sese extendit, non solum enim restitui non possunt læsi statutò majores, nisi causa restitutionis talis sit, quæ majori possit competere, Argent. *ad consuet. Britan. ad tit. 21. qui præcedit art. 457. n. 9.* ubi contrariis Molinæi argumentis accuratè satisfacit; sed verè, realiter, nec significativè, aut quoad quid, sed per omnia idem consequuntur, quod Romani annis XXV. Argent. *d. art. 457. n. 2. p. 154.* ratio sanè in obscuro esse non potest, quia statutum, jure civili constitutum terminum tanquam jus positivum in naturali ratione non fundatum sustulit, & ejus loco, alium substituit, habitum forsan ratione suæ gentis, quæ cum subtiliore coelo nata, citiùs quàm crassa sub aëre viventes, maturescat. vide Tulden. *ad tit. C. de his qui ven. ar. impetr. n. 5. p. 91.*

X L V I.

Affinitatem quoq; & similitudinem quandam cum nostræ ætatis concessione habent IV. promotiones & electiones minorum ad ea officia & munera, quæ non nisi majoribus XXV. annis concedi solent, puta si mi-

nor contra *l. 8. D. de muner. & honorib.* ad Rempubl. ad-
ministrandam eligitur, ut Consul aut Prætor fiat:
Princeps enim, qui ei Magistratum dedit, quoad æta-
tem dispensasse creditur, *arg. l. 57. D. de re judic.* Item si
masculo ante 14. annum, scæminæ ante annum 12. quia
sufficienti ad testandum intellectu præditi sunt, testa-
menti factio conceditur, Jason. *in l. 7. C. de precib. Im-
perator. offerend.*

XLVII.

Quemadmodum hæc ætatis veniam constituunt,
ita eam penitus interimunt. I. sub & obreptiones, qui-
bus ætatis venia impetrata fuit. *l. 2. C. si contra jus vel
utilitat. public. l. 7. C. de Precib. Imperator. offerend.*

II. Renuntiatio, quia quilibet favori pro se intro-
ducto renunciare potest, *l. fin. C. de pactis.* hæc autem
renuntiatio, ne cum ejusmodi majori contrahentes
decipiantur, publicè & solenniter fieri debet, nisi enim
renuntiationem hujus veniæ concedimus, sequitur,
in odium & damnum ipsius minoris resultare, quod
in favorem ei concessum. Oddus *tract. de restitut. in
integr. quas. 23 art. 10. num. 45.*

III. Restitutio adversus ipsius veniæ impetratio-
nem, quia cum minore XXV. annis quid gestum est,
l. 1. §. 1. D. de minorib. Arum. *vol. 3. discurs. jur. publ. 15.
conclus. 33. in fin.* Duaren. *in C. h. 1.* non autem, nisi ma-
gnâ & gravi ex causâ hæc decerni, & tantum ad actus
futuros non præteritos trahi debet. Franc. Caldas ad
l. 3. verb. la. sis. num. 86. C. de in integr. restit. minor.

Hæc sunt, Amice Lector, quæ tempore exclusus ca-
lamo nimium festinante notare potui, miraberis, quod tem-
poris angustia incomitam disputationis meæ seriem excusare
conatus sim, sed res aliter se non habet, licet enim ante tres
mensēs

menes utrumq; iuris examen subierim, iisque exanilatis à Magnifico Iuris Consultorum Collegio in almâ hâc Argentinensi, sine morâ Inauguralem Disputationem conscribendi, & absq; Praside more majorum habendi, facultatem obtinuerim, omne tamen tempus, debitus optima pië defunctæ MATRI lætus, insansit itineris mei causa, & occupationes aliæ, sibi vindicarunt, ex itinere autem huc reversus, compertâ insigni aliquâ absenti mihi factâ injuriâ, impetu quasi quodam prasens thema elaborandum suscepì, ut eò editò livor manifesto ruborè perfundatur: Tu modò, Lector Amice, si quid tumultuariâ operâ & crebris interstitiis (dum nec hic defuere, quæ festinanti sæpè remoram iniecerunt) neglectum, aut non quo decet modo, dictum animadvertèris, aq; boniq; consule, & sicubi erratum, admone, meliora enim docentem sequi, gestit animus; Si quis autem neutrum velit, ad eò non moror, ut quò magis injustus me obrectationibus oneraverit, eò melius ego mecum agi existimaturus sim, maledicta siquidem sprete exolescunt, si irascaris agnita videntur.

Tibi autem, O Summe DEUS, in cujus nomine Inauguralem hanc auspicatus sum, pro præstitâ gratiâ, quas mente concipere possum ago gratias, da porrò Domine DEUS, mihi, servo tuo, ut omnes & cunctas actiones meas ad Divini tui nominis gloriâ, & proximi salutem conferam, utque finis studiorum meorum sit erudita pietas, quod velis faxisq; Æternæ DEUS propter merita REDEMPTORIS nostri, cui sit laus, honor & gloria, in secula sempiterna, Amen.

MANTIS-

MANTISSA.

Ex Jure Divino.

Omnem omnino usuram sacrâ paginâ damnari non videtur mihi probabile.

Simplex & nuda malitiosa desertio non rectè ad effectum solvendi matrimonium cum adulterio conjungitur.

Quin autem Magistratus si legitimo tempore absens citatus, nec compareat, nec respondeat, deserta parti, causâ cognitâ, conjugium concedere possit, nullus dubito.

Ex Jure Canonico.

Donatio inter conjuges facta juramento, secundum Canones valet.

Jure Canonico nauticum senus non est sublatum.

Ex Jure Civili.

Prorogationem jurisdictionis adhuc hodie fieri posse, sed diverso prorogandi modo, ab eo, qui apud Romanos, & seculo Iustiniani obtinuit, plus unâ vice judicavit Augustissimum, quod est Spira, Imperialis Cam. tribunal. Errare mihi videntur, qui jurisdictionem & mixtum Imperium rem unam & eandem dicunt.

Item & illi qui dari jurisdictionem aliquam simplicem, negant.

Mixtum Imperium etiam Magistratui municipali competere, asserto.

Filiumfamil. de bonis adventitiis pleno jure possessis, testari non posse, defendo.

Donationem ob supervenientes liberos regulariter non revocari, statuo.

Ex Jure Feudali.

Thesaurus in fundo feudali inventus vasalli est.

Feudum Francum si redeat ad Dominum, & postea novo acquirenti in feudum concedatur, etiam non factâ servitorum mentione, non censetur esse francum.

Ex Jure Publico.

*Statu Imperii bannum Imperiale irrogare nequeunt.
Supplicatio ad Cas. Majest. propter nigrum latum calculum
in judicio Aulico, intra biennium interposita, non tan-
tū devolutivum, sed & suspensivū effectum habet.*

~~~~~  
**S**I quis serenā conscientiae fide  
peragit honesta functionum munera;  
an iste timeat stridula mendacia  
fama? Sinistri Te nihil rumusculi  
HERPFERE moveant! Glorix calumnia  
solet esse comes aut invidia pedissequa,  
Insiste sueto diligentiae gradu,  
& reliqua temne fluxa, nulla! Satis habet  
ille Favitorum, quisquis hic recte facit!

*Præcellentis Dn. Candidati honori*

*I. m. q. adscript.*

Gerardus von Stöcken / U. J. D.

& Instit. Imper. P. P. p. t. Fac. Jurid.

DECANUS.

~~~~~  
ÆTatis veniam, lursq; peritus & equi
HERPFERUS noster discutit arte proba.
Gratulor ex animo, atq; obtestor Numen, Honoris
Hic primus gradus ut sit gradus alterius!

Johannes Rebhan, D. Com. P. Cæs.

Coll. Jurid. in alma hac Arg. Senior.

Cod. & Feud. Consuet. P. Ord. &c.

~~~~~  
Clarissimo DNO. HERPFERO,  
Jurium Candidato dignissimo.

**Q**uid notet ætatis veniam concedere, doctè  
HERPFERE quando disputas

Applaudo

applaudo studiis claris, applaudo labori  
Quem mox Tiara amplectitur.

gratulabundus f.  
Gothofredus Stöffer D.  
Pand. Prof. Ord.

---

Ad Clarissimum Dn. Candidatum,  
Amicum suum certissimum.

*Ætatem supplet Princeps, atatis origo  
fidelitas, major, quo minor esse queat.  
Ætatem supplet doctrinâ juris honorâ,  
Dignius hinc major, qui minor, esse potes.*

Joh. Nicol. Erhard D.

---

**N**on satis ad Solis radios & noctis olivum  
Assiduâ Themidos volvere scripta manu?  
Non satis est prisca secreta repandere Juris  
Feudalis? Sed quid publica jura juvat  
Volvere? Sedulitas facit hoc tua, cura laborque,  
Quem sequitur fructus largus & auricomus,  
Te Themis alma etenim merito macerabit honore  
Doctoresque brevi nomen habere dabit.

*Sincera amicitia & congratulationis  
ergo Clarissimo Dno. Candidato, Fautori  
& Amico suo multum honorando &  
amando adscribebat*

Joh. Christophor. Uffenbach,  
J. U. Cultor.



F I N I S.